

養

一

齋

集

養一齋集卷之二

山陽潘德輿彥輔

壬申年

宴花樓晚望

我懷空洞無一物，眼明曠境開。  
風煙飛鳥出，城掠平楚孤。  
雲帶帆行遠，天南郭人家。  
晚鐘外，西湖高浪斜。  
陽邊宴花樓上，此時景且當攜榼酣春筵。

春日齋中小疾

病從不飲不談入，春要無風無雨難。  
斜日愁人孤館坐，落花嘒鳥一時寒。

春游曲

東風破雨天微晴斜日桃花相向明倚樹老翁醉垂釣挑  
菜小兒歌入城春城日日風兼雨不爲攤書長閉戶簾押  
朝垂燕不飛箏弦夜澀鶯無語鶯嘯清曉喚人游今日閒  
錢到杖頭好友半逢城外路酒家都占水邊樓水邊城外  
剛三里小艇穿城一條水短短新蒲欲露鷗絲絲弱柳宜  
穿鯉弱柳新蒲晚漲時落花如雨莫停卮寺僧妙解烹茶  
訣游女偷窺題壁詩歸來殘醉兩三客明日城南定城北  
不風不雨不來游岸草汀花枉相識

楊花曲

春來端爲垂楊樹垂楊長成春便去感恩不旨聽春歸徧  
遣楊花遮去路漫天楊花繞春飛楊花自飛春自歸點點  
似垂畱戀淚依依要攬別離衣可憐高下離亭側持比秋  
蓬更無力繫馬行人掩面看當樓嬌女垂頭立不見城東  
十里亭楊花飛入煙冥冥自古多情終陌路若畱餘恨不  
浮萍浮萍尙有情根蒂不傷樓臺傷煙水只有漁翁不解  
情一生自在浮萍裏

閉門四首

閉門一室包萬古出門結歡古人外喜怒倉黃失專主可  
憐三日不讀書胸中面上皆塵土

閉門喜怒亦夢錯拔劍斫几忽不樂眼前無物物自靜氣  
如潮頭起忽落北窗之下又跛腳

閉門日日之日長出門日日之日短暮不及眠晨不盥世  
有何事仗君斷君何不以君爲伴

閉門庭草荒不除暮雀無聲風捲書明月明月秋最好剝  
麥煮蠓歌嗚嗚翁歌新詩兒執壺

癸酉年

夢中作

夢至燕子磯一山家女郎持花供佛因賦二詩詩  
不可解然原句未嘗改竄也

江雨江風入壽霞  
傍山妝閣野人家  
曉來親摘山中雨  
來供佛前如意花

金焦咫尺望棲霞  
最是空靈燕子家  
莫說柔情牽不斷  
江頭高浪散成花

雜感

幽蘭長深谷  
市人豈媚之  
芳懷不擇地  
刀斧轉有辭  
非人惡  
佳好迺適投  
其疑寶鏡付  
盲者能不以  
蓋卮憫君吐  
高論一觸無  
己時既令聞  
者怪君亦非  
真知南山霧  
正濃晦  
汝瓌奇姿

天顯賦羣類  
物物受充實  
從來照萬古  
賢愚皆見日  
意象

滿身世焉用自口出躍治不祥金鉛汞流既溢我愛浴沂  
人惜惜方鼓瑟

獨坐

薰風漸欲來雜花變叢綠嗁鳥下地行蒼苔有誰觸同人  
豈不娛真境在幽獨觸眼無一奇清光滿空屋無叩我所  
需寂寞此身足

望雨

曉光闕園鳥細葉鳴芳條幽人坐疑雨開窗但清飈飽食  
愧無事爲農愁旱苗昨覩麥疇瘠使我百念凋我飢不足  
卹江淮慮飄蕭去年就粟人流亾還未招

澗舟

東城駕舟楫朋好暘吾意遙天帶近邨閒雲妙無際羣  
嶺怒分谿沙停夕流細落日林泉清步步入丹翠邨醪不足  
酤盎然吾已醉

題景遠畫

江頭雨氣掩樓臺隔岸雲山鬱不開猶有亂帆收未盡和  
雲和雨過江來

西邨收稻

古人勞田事真極不恨俗但須力耕刈豐凶自求福浮戶  
之代耕兼并納富屋此事吾謂偏井田苦難復西邨數畝



田聊供歲暮蓄敢以催科能簸揚駮斗斛秕莠十三四草  
草算收穫三時彼力盡我但一寓目彼苦言有餘我怒言  
不足鏹銖競田夫恐悖吾所讀一笑步荒邨雲樹悠然綠  
浮戶故稱客乃爲東道主深慚肴飯薄尊酒勸相語樸樞  
無可談轉勝吾儒腐頗聞早種麥暗損連宵雨咨嗟冬春  
閒恐有竄逃戶士也貴於農良以施濟普內問所讀書於  
人得何補忍恃顏色惡斬人升斗許訟過人不知斯尊當  
杜舉

雪後游兜率院用東坡和僧守詒韻

踏雪下橋行鐘定雪中寺閒對古佛談松雪落滿屨日暮

不逢僧谿鳧自來去

甲戌年

感興

籠禽水一勺棧馬豆一斗禽感爲嬌嗔馬謝爲怒走豈無  
高曠姿抑抑日低首哀哉蔡中郎驚嘆戀恩厚殺身聖史  
議千秋供擊陪隨處受人恩有身何以守

同景蘧作

羣芳奮春陽日夜有新得出門見柳陰招我閒佇立餘情  
共春流高下散原隰勞者促塵務田夫多暇色安得耦耕  
人泄泄養心力

羣生私其私識趣不互寄自笑我所懷寂寞一野寺寺門  
蓮園田僧語諳農事午飯雞數聲歸人逐牛至邨景入閒  
矚陝陋有餘地寄言谿上客四體善安置

東谿

東谿古寺東昔夢屢游盪偶來藉石坐輭草平如掌佳景  
不在幽閒極觀所養一靜謝百營風定晴雲朗朋好隨去  
住林泉送俯仰野人扶峻厓生路闢新想好鳥四五聲耳  
寂尙餘響迺知玩物心虛來實斯往此生他何需游屐但  
幾兩

閒園

閒園獨自嬾有景無是非落花如欲下嘯鳥未肯飛花定  
鳥忽往忘言獨閉扉

偶感一首與劉生湘漢

獨坐睇萬古紛紛唯二塗潔者日以潔汗者日以汗誰能  
介其隙中立兩不拘自謂涉兩界明密與眾殊豈知懷貳  
心貌智實大愚矣求未能遂失己空嘆吁文章迺小道今  
古不竝驅何況身世閒彊鶩爲鳳雛若慕巾幗美何弗芟  
眉鬚慚顏尙斗發立志請不渝志定則千古時俗徒區區  
與景蓮

我齋去君門隔水數十步尋君一登橋遠田高於樹綠水

春悠悠折向柳陰去

暮春

萬化續自然吹律何新故十年送春歌羣愁歸一悟蜂高  
不離花鳥低都冑絮是物膠春心天公恕不顧奇忍以爲  
仁陰陽甘怨惡逐境照煦然玄翹紛上謫

牡丹讌集

燕子幾時來飛絮忽已滿看花至鼠姑春色漸悽斷更防  
零落盡亟命壺觴伴愛極慮轉生物濃興宜短歸去茅齋  
清蘿月下緩緩

西邨

北邨吾常游清淺尙不隔稍勝南邨景林光傷徑直終賞  
東邨橋谿回戀來脈樹拙不受畫耐我坐荒石西邨吾自  
熟來往恨輕忽偶能虛中來異境頓開壟濃陰過谿交到  
寺轉不識平沙數百步市聲化叢碧耕者四五歸談笑送  
日入晚煙亦有意出沒變林色林遠作數重游鳥互主客  
焉知心賞外茲境近無匹寄詩報東谿所美勿膠執

北寺

北寺面幽陰頗是雲林境閒客時一來鳥聲爲清整夕陽  
在前邨過雲作雨景迴谿西復東雲動幾帆影遙遙一老  
松對人色嚴冷漁父何藹然春波釣筒靜歡言乘霽歸幽

窗夢煙苻

南池

南池如西邨故從無意得方廣三畝餘遠棄亂草側居人  
洩溝渠蓄此供藝植疆加以池名早晚恐涸窄快意貢當  
前名實亦可易安能豫憂慮規規量丈尺我望西邨樹雲  
水倒相吸命儔呼酒來痛飲此遙碧沙岸淨可坐風喜爲  
拂拭茲池雖暫歡使人重邨僻良境不擇地歸塗補搜剔

刈藤

種藤十餘年彎曲如蛇龍開花滿牆頭爲我招好風何苦  
痛斬刈不使緣蒙龍蒙龍良可喜侵陵太無窮一割當其

罪適以全迺功擲鈕坐清陰俯仰恬心胸幽居殊寡績持  
斯翊天工

題畫

春夏接續閒山氣似花發畫師亦何心迺使澹入骨應知  
穆穆中萬象競榮茁蘊茲貞後元難與豔者說

鵲巢

物理互相資人心何不平東園破鵲巢鵲鴒來經營巢成  
鵲不居飄搖霜月明鵲鴒詎多事移居非力爭昨游芳田  
中羣鳥喜飛鳴見人無懼色牛行鳥亦行土墝帶新草鳥  
正仗牛耕牛不居盛功鳥不感至情飛走與巨細造化原



交并人故貴於物誰其通至誠

作所二章

萬物凋瑣有材鮮託見寒願松見雲願鶴柯翰弗完羽毛  
太薄方春悅念又競華萼食滿階除遂爲鳩雀氣茶成性  
不可大作

有鳥營巢東枝西土尺寸之細見爲牖戶無用皆用豈弗  
辛苦轉懼速成不懼風雨相其旣成萬有來輔猗與鳥心  
善於作所

題畫

山腹空洞山爲天惟虛能覆不可顛獨樹倚壁無旁綠野

老冥坐心君堅閒雲出飛飛鳥還浩觀四象無停年

秋木下葉江氣高天空露夕宜松濤瑤琴欲以古心厚直  
爲萬古回滔滔此時見者誰山椒一痕月月落江寒送雁  
歸萬木蕭蕭遠鐘歇

題畫

一角聚斂羣景色山寺樓樹苔鳥石其餘求之無所得併  
作江天萬里碧時有雙帆學鷗白須臾雲氣生斷壁一角  
人煙晚來失

獨游東谿

酒闌愛獨游羣動澹以靜疏林帶曉鴉十日無此境隨意

沿谿來落葉屢聲冷微陽點谿色殘冰漏天影彌知大冬  
力斂物使清醒紅鑪暄碧醪到此意誰肯不寒白雲心甘  
受峭風警下橋不逢人漁鐙送耿耿

嘯歌

前馬顧其駒鹽車慎勿辭今日辭鹽車明日犬不如  
插鼓集羣工面洛蓋大屋但招邯鄲娟白日理清曲  
鵲子上天回陰晴說反覆小雀驚偷聞一陣下水浴  
湖松就雨露不如城頭蒿匣劔就毛血不如屠市刀

乙亥年

邨行

箇箇柴門夾菜畦  
田家下酒及春泥  
新春偏是無多品  
菘已零星韭未齊

邨叟前陂一笑逢  
閒攜東寺話從容  
野僧不解蒲團定  
飯罷黃牛便打鐘

白雲三章寄景蕙

悠悠白雲止於林  
阿匪林之嗜風其云何  
之子之邁威儀  
孔嘉天命在獨不樂則那

悠悠白雲祁祁而雨  
春風相和澤我九土之子  
匪佗伊昔  
處者其處其嬉  
沒死於野

白雲布兮散以爲聚  
兮四嶽來同奚陌路兮  
之子關兮天

光合兮席端何賓在天末兮

春游感興

駕言出東郊萬態已豁達浩歌先王風無和吾自答忽覺  
此身古不肩周秦末楊柳受和風會意如可說春與物一  
之誰復向我奪戲豫不經心病在不安拙鳶魚無佗能氣  
象乃潑潑寄語同游人茲外無解脫

寄邛勤子

黃河直下雲梯關河上幽人日日閒羨殺斜陽鳥飛盡攜  
兒去看海西山

不用蕭慘恨轉蓬風雷日與海河通君看一霎蓬萊雨飛

入吾家小院中

雨窗偶書

積雨五日廚尙煙敢云此福不自天  
閒窗弄筆神清妍新詩字字浪驚喜  
可憐不值沽酒錢

對月懷朗陵兄

白雲流欲盡殘雨過無跡早有皎月來  
入戶尋幽客推枕急披衣清景不敢擲  
眾鳥安叢陰一螢出遠碧仰觀霽宇空  
俯慰良宵寂浮愁如水逝眞愧乃山積  
安得湛此心浩浩長天白

羣動寂無語月色愈端好微影散風樹  
餘明兼露草不領

靜夜深誰識涼秋早所恨賞心孤神思赴遠道迢迢尺書  
來纏緜相覆葆以我塵世心席卷還大造惆悵昨非多傾  
身償熱惱

選唐人萬首絕句題卷端

古琴不爲市人聽別有弦徽寄杳冥試到雲山最高處霜  
鴻過盡海天青

不辨離騷與國風短章脫口便求工崑崙汶阜如天上萬  
事江河日夜東

丙子年

攝山病臥題僧卓羣山房

萬古江濤日夜東客心直與海空濛卸帆月色浮柀底解  
帶泉聲落枕中峭壁入天猶石氣深山無寺不松風芭屨  
竹杖翻拋盡千里雲嵐夕照同

金陵雨夜

山色依然滿縣城秦淮舊月傷人明打窗木葉還如雨十  
五年前枕上聲

己卯年

題畫

峭壁孤崖半接天更無人跡有蒼煙遙知僧在中峯住靜  
聽泉聲數十年



仲夏書感

奎牛分野掇徐揚使者高牙聚此鄉  
下戶賣牛困穀賤中衢羅雀局錢荒  
紗廳晝臥修渠吏塵甑晨空辦課商  
聞道恆風需直諫幾人簪筆策民康

題梁馥菴菴葦秋水圖

秋聲獵獵風吹蒲亂雲卷盡天在湖  
鴻雁不到野鷗去天水中閒亭子孤  
人生有情寄浩蕩那能束縛作時狀  
陌頭十丈車馬塵菰蘆之中猶有人  
昨宵雷雨起東海得無少壯雄心在  
掀顛長歌古國風霜色蘆花幾千載  
蘆花頭白西風催此亭那得無酒杯  
日斜獨立太清絕蒲帆高挂吾

將來

將赴金陵荻莊別勤子

別館時躡日易斜片帆懸處便天涯地鄰野水長屯雨人  
似秋荷勉著花文字謀身原太拙園亭稱意欲爲家歸來  
也艤孤舟待磐石漁竿坐晚霞

雨中游雞鳴寺隱仙菴

欲訪冶城北樓東買畫橈垂楊漁網露新水鴨闌潮石路  
防經雨名園喜傍橋細搖雙槳去足力未嫌遙  
路迴低雲斷雞鳴古寺開樓端孤塔近城表萬山來戰鷁  
消雄浪天龍賸講臺茶瓜畱坐雨塵世未須哀

亂山圍合杳隱者靜無鄰廿載客重到四時花自春桂香

三里路梅影六朝人

菴有六朝老梅

自笑苦吟癖不來棲此身

### 送從子開麗

淮上數文獻吾家早著名艱難臨爾我悽惻溯元明霜老

祠槐禿風號石馬鳴飄蕭長至近卣學有誰擎

冬至祠祭廢者三年

鴻博誌文苑

張岸齋太史作山陽縣志吾家入文苑傳者極多

遺詩散似煙前人

空自惜後死得誰肩古鼎能留篆焦琴尚有弦蒐羅孫子

### 責揮淚訂殘編

爾無嗟白屋家尙有青箱朽蠹一牀滿光輝萬丈長古人

振門戶風力在文章蓬蒿然松節安知天雨霜

庚辰年

人日遣興

漫欲登高去泥寒草未香溼雲巢遠樹殘雪鏡虛堂天使  
書中老人嫌酒後狂低窗古梅下獨詠引春光

病餘野步

人閒思野趣病減識春光殘雨入煙樹輕風生柳塘偶尋  
邨寺晚猶占落花香林暗未言去無鐘報夕陽

題畫

半生熱惱觸紅塵妒殺清閒畫裏身也欲月明吹笛去滿  
湖煙露靜無人

清明日昭卹院祭楊仲甯尚書墓

尚書交趾功不磨，洪武之中疑獄多。吾祖表揚有深意，大

書進士開巍科。

中丞祖憫尚書之冤，建昭卹院事，有不得顯言者，題爲明開科進士而已。

楊氏無兒婦墓田，吾家割牲焚楮錢。道旁老叟捋須說，此

事到今三百年。

中丞祖覓楊氏子承祀，後皆天死，因命子孫歲以清明日拜楊公墓。

碑橫路側苔草深，那免日炙霖雨淋。我欲移置兩楹下，優

曇不得題禪林。

乾隆中，院僧忽改爲昭卹禪林，先子率族人正之。

昭卹院前春草青，昭卹院中鐘鼓鳴。白叟黃童看野祭，都

來此地作清明。

昔時從游一童子，今來照水須眉蒼。四十身名不稱意，柳

條晚晚愁斜陽

夜坐

百動暫時息  
窗虛小坐中  
高荷多得露  
疏竹自能風  
人跡  
焚香靜文章  
閉戶工寥寥  
碧雲外吾意  
已冥鴻

辛巳年

贈徐潢

徐生短小氣  
適上雙瞳翦  
水煙霄朗清  
才初自窮鄉  
出英名已被  
時人賞得名  
有道文有神  
胸中俗物不  
可存白雲  
抱石翠竹健  
太華插天黃  
河奔徐生家  
世簪纓古努  
力窮經振門  
戶男兒名姓  
自貴重莫配  
文章庾開府

楊露滋邛勤子招游湖心寺

佳游訂前夕擁被盼清曙  
日色到簾鉤鳥聲滿鄰樹  
閒窗漱齒畢駕舟吾便去  
疏疏柳枝風點點蘋花露  
遙知素心友停琴候  
芒屨焉知雲水中吾先狎鷗鷺

湖心寺

水風生客衣扁舟度野色  
楊柳午猶煙寺角露遙碧  
入門殿基高空埽塵跡  
佛座見前邨歸牛送遙笛  
禪房花氣暗幽鳥時一入  
不見郭山人明太守陳文燭作招隱亭宴郭山人於此荒亭付  
榛塞老僧謬解事觀空謂  
有得內典默不誦攻苦事  
樵汲實踐非當然百年等  
一擲長嘯攜客歸開樽醉  
今夕

獨酌

只有風兼雨空庭日日過春愁隨草長人跡變苔多遠水  
魚無信斜陽雀可羅一樽形勸影樽盡夜如何

校盧蓉湖舅氏詩集

蘄張不可作淮上幾詩人吾舅抱吟癖高風開俗塵黃河  
十年渡濁酒四時春五字建安骨羈愁句有神

西菴獨坐

遙遙城畔鐘漠漠水邊寺空庭鳥數聲微雨客初至

過陸生懷生墓

咫尺隔山嶽春歸無夢尋單門三世禍雙淚十年心祠樹



野風闌墓門煙柳深遺言不爾負良夜好行吟

生遺言棺可從薄必

葬祖父制

懷里人作

詩敲賈島兼周朴處士掀額說擅場若向尊前吟好句一

生邨晚豆花涼

陳錫蕃詩近賈周平生佳句如風倚鈞絲彎邨晚豆花涼皆苦吟而得

吾舅蕭疏物外情騎驢卅載鬢絲生一壺鎮日隨身具纔

解詩成元鶴鳴

蓉湖舅氏久客河北有驢背行吟圖酒壺日不去手或挂衣襟或納褲袴有登閣句

云酒醒天風遠詩成元鶴鳴

趙子朱顏歲歲非酒餘狂態近來稀碧蘆紅蓼眞州路夢

裏和君一權歸

吉人前寄余句云但驚白裕頻頻敵漸覺朱顏歲歲非

荒邨近水風來闊海國無山日落遲惆悵商生今已矣不

堪重渡射陂時

商相巫舊游射陂句荒邨近水云云雅爲前輩所賞

蘧蘧風味澹於秋學畫論詩漸白頭收拾一春愁萬斛眼

前大化入扁舟

景蓮別字蘧蘧連喪妻子有句云眼前無一物大化入扁舟

黃滔弱冠便翩翩苜蓿堆盤亦可憐莫唱旗亭金縷曲海

陵春盡水如天

黃芻變爲秦興廣文題余詞草後金縷曲最工

天涯芳草雁聲過何事蘇端有怨歌自掩柴扉讀周易飯

牛歸去月明多

蘇生浩倦游詞云天涯芳草又將殘卻笑南來飛雁平日讀書飯牛頗忘世味

浣雲齋裏醉花香詞客谿東數陸郎今日墓門誰唱和黃

昏風雨戰垂楊

陸生年二十餘天塲有浣雲齋詩三卷醉花館詞一卷

省妹作

老屋秋風急孤鐙夜雨深淒涼真到此愁病更橫侵  
畫荻千秋事驚弓十載心伶俜恃同氣小別亦霑襟

一慟三從絕蒼天太不情門衰猶有子以從子命薄且依

兄立後賢於死施恩過所生寢門慈孝意純佑有神明

新河舟中

不渡沙幔洲風浪應差可可憐石浪菴半山松憶我  
澣衣江水清灌田江水濁人心江不知潮生復潮落  
水勢直成曲山勢西走東水爲羅帶子山爲玉屏風  
暮驛不可到孤舟那何泊稍聽山頭樵風吹笑聲落

舟止棲霞寺

江從攝山背折入攝山前直對山頭寺來停江口船潮磨  
僧院磬雲護市門煙那許怱怱去登臨有夙緣

與卓羣

去作二年別來爲五度游無成空老大相見各清愁松影  
當時月泉聲萬古秋禪心應更遠日夜大江流

再與卓羣

蒼松翠柏還如此

卓公語

長願高僧作主人入寺雲依心地

靜下山月挂指頭新僧寮舊榻蟬吟夢官道行滕繭縛身  
又聽秋鐘過竹院巖花休笑往來頻

三聖菴述感

城南蕭寺舊曾居廿載風光太不如

辛酉秋入白門侍先子寓三聖菴今年復

寓菴側

惻惻孤兒餘疾病勞勞羈客困舟車科名豈足酬先

志嬾惰何曾讀父書秋草一坡腸斷久疏鐘斜日纜船初

白門柳

白門楊柳樹依依牽人衣昔我游白門見汝初生時今見  
汝藏鴉何忍攀其枝婉婉雙鶯雛嬌嚙彌足悲老去怕聞  
歌此語不汝欺汝自留班騅吾自傾離卮

出金陵城

疏雨敲篷人自眠潮痕平岸水平煙惻惻來又惻惻去大

似江南估客船

召伯埭偶題

召伯埭西湖水清  
召伯埭南江水渾  
江湖分合客長見  
江湖來去客銷魂

湖煙湖月大隄平  
隄下人家吹笛聲  
日暮蓮塘商調起  
南塘風雨北塘晴

露筋祠夜泊

星漢蒼涼水氣中  
露筋祠畔月如弓  
采蓮誰唱西洲曲  
行露吾歌南國風  
豈有美人湮蔓草  
可憐詞客倦孤篷  
蕭閒不及老漁子  
鐙火二更收釣筒

曉過高郵

披衣聞早鶉打漿亂川霞詩似水無岸夢先帆到家秋心  
滿煙樹生計入魚鰕三十六陂外誰人賞荻花

蘆花曲

江南蘆花開塞北雁聲起雁聲來不來蘆花滿江水江水  
接湖頭蘆花善感秋居人斜月夢行客逆風舟舟來舟又  
去長向蘆洲渡蘆葉易藏花蘆根不成樹蘆葉復蘆根蘆  
花秋當春素衣官路客白紵畫樓人樓下蘆花白相看淚  
痕溼今日憔悴容當初好顏色顏色換當初江頭莫折蘆  
南來鴻雁晚恐有一封書

舟中

出門事事如迂叟入市人人呼老翁  
今年三十七遣興朝朝覓  
詩酒思鄉夜夜夢兒童

糧艘行

糧艘峩峩來上流小船鑽隙不于游  
糧艘橫行尾插岸小船偏仄愁復愁  
天際一舵落不測以山壓卵卵擊石  
檣敲漿折白版墀性命泥沙在頃刻  
東船西舫皆黎蒸吞聲束手誰哀矜  
達官來往不敢問路人長憶長中丞  
乾隆間長牧齋麟巡撫江蘇有銅船糧船人者隄其丁販其吏

湖東兜率院老槐歌



怪雲突兀橫幽谿巖石入天天爲低龍拏蛇掣瘦蛟怒蓬  
鬆項尾盤青猊睛定辨是一老樹枝檜榦拄依招提蒲團  
白髮比邱死欲問年歲誰能稽踏苔披蔓過其下太古風  
色飄清淒須眉奇偏百歲叟直立我前高扶藜瞻仰蹇產  
三大息此老何故逃幽蹊都堂音聲杳吉兆亂草重疊煙  
痕迷樵夫斤斧不敢下海上大鳥來一唳終倚正直荷天  
佑繁華歷換難傾擠太陰晦冥出野火恐有神鬼憑枝棲  
欲溼未溼雨過畦將落未落日隱隄天生神物伏邨野但  
供我輩聯吟題詩成付誰質真宰夜深雷電飛窗西

雨

是夜  
大雷

落葉

春色纔回秋色闌如環無委更無端  
苑枯本不累根蒂呼  
吸偶然分煥寒浩浩山河自流峙  
紛紛蜂蝶惜凋殘蒼黃  
滿地西風冷我與虬松一例看

夢游廬山

徑轉松回鳥不鳴斗然頭上落泉聲  
肝腸自信清如雪纔  
向開先寺裏行

了了雲峯倚碧空莫將清醒認朦朧  
紅塵竟日開雙眼轉  
恐光陰是夢中

答盛子履學博

窮居恃天運，獨學恥干謁。  
霜凋萬葉盡，滿庭見寒月。  
美人贈瓊華，輝光逼瑤闕。  
挑鐙動高吟，鶴唳起清樾。

三代有雅聲，宇內得者幾。  
夢裏成連琴，風煙隔海水。  
藜牀秋夜蟲，獨譁不知止。  
蕭條霜露多，微音愧傾耳。

養一齋集卷之三

山陽潘德輿彥輔

壬午年

再游南邨

高齋游興濃南邨鳥聲熟斜日倚園樹微風上春服茅菴  
鐘未動月挂谿東屋還當攜酒來醉臥半坡綠

磐石八章

邳女子丁氏年十六避饑僅隨父母乞食於淮偶  
獨行經李榮門榮飯之曰幼艾如此何句爲從我  
不失富室嬪女忿然曰我有夫家不食徑行榮閉

諸室不從撻之女號救塞其口竟死夜縛以石投  
諸泮池質明屍忽起池中榮之鄰識是石也罪人  
遂得道光二年閏三月事愍之作磐石詩俟采風  
焉

磐磐之石止水清兮磐磐之石之子貞兮磐磐之石姦人  
恃之磐磐之石行人指之

石巉巉兮夜爾如鐵石皓皓兮晝爾如雪石吾爾怨爾吾  
仇讐石吾爾恩爾吾士師

嗚嗚嗚嗚飛啄於市哀嗚之雖不知其幾敢塞我口聲於  
九天敢摯我足振於九淵

洋洋河水亦流於邳魂兮不歸父母何依魂兮不歸良人  
孔悲歸哉歸哉河有松舟

瀾瀾泮水橫經之廬粲粲髦士玉佩長裾之子之心詩禮  
之華之子之心士也不如

士也輞飢冥墮行矣女也鞠凶困致命矣陰房不開日蝕  
既矣籬楚不聲鬼流涕矣

宛宛蛾眉塵揚於燄濯濯鶉衣月照於淮司牧者誰流亾  
弗視斷獄者誰神其視爾

吏也不知生無一飽吏也知之死而不朽吏告我 后我  
后聖神府府之石樹之墓門

晚坐

薄雨散遙樹閒雲對虛牖客去掃槐花庭空坐來久羣動  
紛不息一澹可以守

微雨過高郵

秋雲隨片帆湖天散疏雨十里綠蒲風孤城在何許披衣  
聞曉鶉捲卷悵時序午枕夢魂清煙深數聲鷓

金陵懷古

千里長江繞建康中原形勢亞荆襄六朝池館殘煙月半  
壁河山幾帝王將帥旌旗雄北漠兒孫歌舞學南唐陪京  
二百年前事苑草秋風牧馬場

攝山道中

午日延秋熱清風藉樹陰沿邨多破屋何處是花林

地有上花

下花

兩少破塘窄山多草木深莫談邨壑美須識老農心

蔣王廟

擊賊奮一死卑官足萬年六朝崇鬼號百媚藝神天廟古  
隨時換山名借姓傳英風生羽衛庭竹尙森然

徐中山王墓

韓彭合鄧買未足與公班翊運精誠動成功意氣間餘威

開大漠此墓稱鍾山六代羣邨壠樵人晚唱還

墓禁樵采

由燕子磯至棲霞寺途中作



高城下木葉又向古江乘崖轉自成路山迴不計層午風  
香遠稻秋水靜殘菱柳景半圖畫閒吟病尙能

棲霞寺

鍾山如王侯攝山如高士千里尋舊游我來拾松子桂萼  
蒲柳姿晚急攝生理一榻七年前臥病跡可指吾生采藥  
外百事將已矣

舟曉

雞鳴潮欲來月落風初起行人在湖頭家山在湖尾風潮  
日夜生長淮三百里

湖東悲

勸君莫住江淮間秋來白浪高於天西望洪澤如雪山東  
注巖社湖天寬巖社不受銀濤翻大吏巡視空長嘆防護  
城郭輕園田上流五頃封積年新秋陸續開水門北放車  
羅南昭關萬家號哭來河干以頭枕垣泣且言小吏未應  
川已奔百道并下迷來源平疇一色天鏡圓昔時魚米興  
市廛今日釣徒來刺船我從江介趨淮堰片帆欲逐南雲  
還卻避百丈盤渦淵揚州大艫不敢前小舟東下漁邨邊  
芒稻河狹飛鷺滿范公一隄堅且完水不得東仍西旋夕  
陽忽開隄上煙水木明秀殘霞鮮孤邨夜泊霜滿灘湖風  
倒卷星斗寒荒蘆斷葦多空筇墓田月黑誰家棺婦子聚

哭心煩冤吁嗟湖東民可憐忍死待吏施糜餼一口二百  
青銅錢明年水涸家安然勸君還住江淮閒

舟過興化

滄海路將近湖天雲更秋帆邊孤塔轉水面一城浮故國

簪纓黯

明高相國黎李相國春芳皆邑人

災年粉黛愁最憐華屋客零落

少山邱

邑無葬地  
匱多停野

沙家莊夜泊

昔時埽榻山房月

癸亥甲子開館於莊  
中馬氏掃月山房

還在湖橋野寺煙

料得蒼苔封舊宅更無酒伴問孤船  
蹉跎客鬢尋常事孤負漁竿二十年  
猶記尋詩斜日路人家盡處水如天

獨游南邨

獨游無與言，彌見造化功。南邨小池樹，浩然來清風。池外  
幾人家，埽葉桑徑通。薄暮耕不休，喜值今年豐。農婦抱芻  
薪，舉首語老翁。明年麥將稀，桑葉新生蟲。美哉農家語，慮  
壹周始終。撫躬長大息，何以能固窮。

放生菴

流水送人影，遂至谿東寺。薄雲晚不高，隨風爲麥氣。半橋  
獨坐兩，屈指歲華易。斜日問提壺，吾歸可以醉。

癸未年

荻莊看桃花，過曲江樓故址。

郭家墩北曲江樓牆東望谿諸老游華屋山邨百年事桃  
花春水一谿流

移舟過勤子齋

世味消除大似僧祇餘詩酒興堪乘舟中殘醉日初落月  
下漁歌吾亦能臨水人家飛竹鳥背城小艇立魚鷹偶然  
幽境得如許付與高齋話夜燈

茅屋初成述懷

橐筆來東澗淒涼五十年

先子於乾隆庚子歲移居車橋

莓苔荒古巷

舊宅

在郡城都憲坊風雨泣殘編拓落今生慣清貧累葉傳草堂還似

舊第四版橋邊

去住一轉眼焚香觀太虛家原非驛舍人畧似樵漁大地  
容高枕蒼天遣箸書寥寥百代後誰記此幽居

舟晚

日入潮急舟更遲城樓一角煙迷離廢寺版橋半葭莢老  
漁鐙火低茅茨蟲語風生亂草渡鴉唳月挂垂楊枝斜指  
水亭默惆悵故人零落空金卮

南邨卽目

涼雲傍谿宿晚樹就煙隱詩心入飛鳥不與斜陽盡藜杖  
伴僧歸漸覺鐘聲近

哭張籬東先生

總角趨家塾，皁比解拜迎。師來爲弟子，我始謁先生。

先生執經

於先子門德  
輿八歲受業

失母頻憐惜，驚人疊品評。寢門今一櫛，四十

尙無成。

### 秋日入城

城市態多變，農家幽足棲。人歸微雨外，田在竹籬西。暮雀還相鬪，秋鶯不彊啼。橋頭酒肆熟，勸我貴偏提。

### 寄郝鏡渠

天空山古霜，葉秋老樹飄。零人白頭可憐，萬鳥遠相避。尙有孤鸞來一游，落月西南挂。君屋酒榼寂寞，添吾愁。遙知香燼夜，高坐滿眼古人交唱酬。

夜坐詩和東坡

余酷愛東坡西齋雨中過舒教授藤州江上夜起對月贈邵士三詩暇卽歌之以消煩鬱冬夜錄之一紙并爲夜坐詩增書其後不同題不次韻亦曰和詩志在仿倣云爾

寒星芒采正雲罅漏三五滿屋如月光殘雪在庭宇出門塵眯目不若穩閉戶濁酒斟復斟歡笑繞兒女兒女飽遂眠獨坐及夜午高堂收萬籟盞花靜初吐細讀坡公詩字字徹肺府宛然我所作誰曰坡公語坡我兩不知渾渾此千古支枕更微吟雞聲半窗雨



與子履

殘雪不忍埽爲待空明月雪月夜相親兩美意疏豁如何  
我所思片雲楚天闊

冥鴻雪中蹟偶然宦吾郡頭髮白者多詩情日清潤冷月  
上人窗相思又燈燼

雞鳴歌

萬物冥冥雄雞一聲雞聲一作天地清廓天地清兮日當  
中雄雞聲聲滿空中百鳥聲噴浪言語天以雞爲晨  
昏之鐘鼓大聲中宮小聲羽聲雖宛轉力軒舉我老間之  
不能舞雄雞雄雞吾負汝

甲申年

春眺

東風吹細雨春意在桃花一一漁舟小翻翻酒旆斜垂楊  
閒傍水亭子是誰家幽鳥叫煙樹聲聲惜歲華

荻莊小憩

高臥荷亭花氣清午風吹上葛衣輕不知天壤有何事但  
覺煙波無盡情坐外白雲千萬里夢中沙鳥兩三聲柳塘  
日落休回櫂要看殘霞畫遠晴

澗東三老詠

吳翁泰瞻壽九十有四邵翁靜安壽八十有四薛

翁震峰今年九十有五讀書飲酒如少壯時予爲  
三老詠志取厲俗存沒并載弗以爲嫌焉

吳翁委巷人天質曠莽蒼手闢半草亭裊裊空萬象朝炊  
告屢斷嘯歌氣道上作詩不摹古意到時擊壤三閒破茅  
屋淵淵金石響六十舉一兒眼見少而長九十能登山風  
雪不需杖須循旣深古議論極忠讜作鎮如夏鼎可以碎  
魍魎

邵丈吾父執總角拜牀下防患慎豪髮周急則痛捨大禮  
骼滿塗一一葬之野巖冬鬻萬勺踏霜手親把破屋噉飢  
聲觸目淚雙灑閉關獨影居動念滿齋冥窳鄉無儉年頽

聲到聾啞天道顯可徵孫曾溢庶廈世塗拙燕翼積金等  
敗瓦

薛公業材武習靜遂聞道雖師五禽戲好古常卻埽百籍  
手校讐英少愧潦草危坐及夜分九容中玉藻筋骸堅所  
東焉得不壽考九十有五年抑戒爲鴻寶大易螫龍蛇淵  
穆貴含抱小子夙多疾乞言佚幽討至論毋我吝拙生幸  
可保

讀壯悔堂集

瀑泉挂壁風倒涌獨坐空堂色飛動侯生提槩喝羣儒乃  
有重瞳拔山勇遵巖震川不可作此才欲接文章統文章

之統承聖神貴窮經術醇乎醇初師六朝後唐宋導源何  
不窮崑崙堂堂六經萬事始不獨行文恃根柢壯夫勿悔  
雕蟲技出處之間微誤矣咄哉詩學杜子美麻鞋老瘦真  
名士以被蒙面誓不起我愛齊名魏叔子

偶述

古木架衡門何似明堂棟白鷺立秋水何似丹山鳳不入  
經籍囿詎接文章統鄙倍信可嗤幽潔復何用

與勤子汎舟至愛蓮亭

小舟如薄雲盪水水不覺水風搖日華空翠滿衣落一轉  
出市鷺再轉入林薄不知前途趣先識鳥聲樂兒童笑且

和天籟無滲泊  
荇藻影不流  
靜裏魚鰕躍  
蓮亭不必坐  
茲游已寥廓  
落日倚歸舟  
鐘磬煙一角

秋日感事

夜晴不到晨朝晴  
不到午雨多風色寒  
寒衣授處暑農夫  
白晝臥泥濘到蓬戶  
一畝四三石束手不得取  
坐愁臥亦愁  
牆塌誰安堵  
我鄰朝斷炊  
兒嘸極酸楚  
貸我百銅錢  
一飽亦何補  
紛紛朝飢人所施  
焉得普對面  
不敢問過眼  
那忍數自顧  
轉一笑生計未區處

清淮疆亦弱  
黃水弱亦疆  
疆其弱尙可疆  
其疆則殃運道  
五百年清濁調柔剛  
今年清太弱  
濟運權在黃  
事畢遣之

歸舊章疇敢忘事畢不得遣誰與更舊章徑出禦黃垓滾  
滾下南方全河沙倒起翻翻如沸湯石水泥數斗運河成  
濁漳米船已不來米價間日昂搔首向蒼天吾生日皇皇  
南邨省舅

老人亦何欲所親常在前明知不可畱言別則黯然大風  
捲齋樹一日堪畱連命坐論青史如見羲皇年呼兒佐美  
酒乃忘囊無錢

秋深夜苦長人老睡難著寸心六十年萬事記歷落我勸  
湔舊慮眼前卽大樂子婦婉且順春氣靜中覺誰家借鋤  
兒產厚心彌薄

送蓉湖舅氏之河北

別恨雖填胸填胸亦易釋但悲桑榆年何乃遠行役宛宛  
兒女荒荒大河北悽悽多病身奚以慰倉息秫酒勿痛  
飲麥飯勿彊食重之文字累此事視精力勿將終歲飽易  
此心血赤別恨不可書別語應記憶霜雁叫河梁聲聲入  
胸臆

南邨

遠樹日欲落前邨煙漸生行人傍谿歸送以沙鳥聲獨立  
碧潭上雲影知我情悠悠無去留天地何空明

車橋入詠



澗曲歸帆

澗水入東湖，曲折送歸帆。  
岸轉不見人，林缺受帆影。

五橋晴雪

寒日冰不開，殘雪水禽啄。  
攜友登五橋，疑是雙白鶴。

桑隄夕照

夕照盡遠揚，邨落秀如許。  
回風吹客舟，細聽條桑斧。

柳園春雨

行歌柳園曲，春在西橋西。  
可憐煙雨中，無人禽自噓。

兜率古槐

雷火燒不盡，古翠森森合。  
風定寒蟬吟，斜陽下僧塔。

郭墓寒松

郭子不可見，郭墓松猶立。陰陰三兩株，遙天滿寒色。

東墅尋梅

我種東墅梅，爲映紅橋柳。春風何日來，築屋東谿口。

南池晚步

林陰亂霞飛，鴉散任家墓。坐見南邨人，曖曖入煙去。

乙酉年

元夕感事

時洪澤湖決口未築

晚歲淮流愁復愁，一方利病繫神州。中朝不獨正供急，大事毋爲肉食謀。安宅人方憫鴻雁，衣裳我恐似蜉蝣。可憐

邨市還絲管倚檻無言月下樓

書蘇公和陶詩後

柴桑幽靜人義眉豪邁士和陶不類陶衣鉢豈在是人生  
觀大節文章其末技寸心符古人奚必判彼此見道憂患  
餘得句清於水我老困涉世萬事悟知止何陶亦何蘇但  
見太空巨雙鵠翔林皋呼我出泥滓我亦乘清風天游自  
今始

題百驥騰驤長卷

河營趙守備仁以懋直罷官年七十餘矣畫馬餽  
口有盛名坎壈之

黃河浪滾崑崙東合淮注海奔如龍何物闕此壯嘯氣駿  
馬結隊捎長風男兒七尺付小技英姿邁往塗偏窮豈無  
材畧箭雲上天街八鸞鏗玲瓏直道無前眾所忌不得與  
人成大功河水浩汗春心胸肝腸鬱律吐白虹奮筆一掃  
驚駘空不好名馬非英雄圖成百驥騁神駿白魚赤兔連  
錢驄龍膺豹股猛虎脊綠毛黃鬣碾礪髮余吾之水萬里  
外倒入墨池流洶洶權奇毛骨豈轅下蒼精房駟靈所鍾  
若不橫行古沙磧噴風跑雪銷邊烽定能穩步押仙仗鼓  
車晝駕明光宮不然毬門角馳射顧影驕嘶煙草濃香帕  
繡罽錦韉古銀鞍玉勒珊瑚鞭紅名材自來合矜寵塵埃薶

沒非天公怪事咄咄天夢夢聲價枉稱行步工監牧奚官  
累千百相馬但惜無雙瞳荒郊大道衰塵去風煙散落隨  
飛蓬眠沙齧草盡野趣作堪鑄式垂高蹤丈夫何必分窮  
通此畫妙寫儒將衷馬服子孫有奇骨七十馬上談軍戎  
小生久疏矍鑠翁河干寄翁詩一筒羨翁古健如霜松當  
塗若使廉頗出跨馬還能輓硬弓

題熊北谿山水冊

好山不得長相依興來愛作題畫詩眼前名畫惜太少吾

鄉屈指當數誰秣陵周翁一過客子孫五葉家藏稀

公調善畫山水順治初來淮子孫家於此其五世孫樹吾甥也葦間老屋委灌莽

江甯周翁舊城東門廂

汪側有邊頤公  
先生葺開書屋

古巷空傳金畫師

縣東白虎橋北  
有金畫師巷

劉君名

姓入畫錄

劉州牧  
乃以

百年墨蹟還式微  
會山鳴勝竹居雁怒

擲白金貪弈碁

張嶠字會山善畫鴨薛懷字竹居善畫雁  
曾山謂人云竹居雁苦肥不如吾鴨有骨

然性好弈某以白金十錠購其  
畫對使擲金於地弈碁不顧

可憐何老數竿竹  
舊幘零

落風淒淒

何子

近來周鄭苦嗜學  
何似平橋熊北谿  
北谿

畫牛信獨步  
礪南摹本爭豪釐  
礪南老矣隱南郭

朱亦僑  
丈別字

礪南又號  
南郭農

清風謾謾生  
須眉更言北谿善  
小幅風標絕淨

無瑕疵開關一畫  
未了局客至停揮  
還棄之文章老境在

一氣書生白首猶迷離  
此翁作畫得此理  
宜其下筆含生

機我不解畫解游歷  
一見使我心清夷  
南郭農屢索詩句

事穴不應嗔，愆期叩門客。示北谿畫酒罷得詩，開一題吾鄉畫少詩亦少。斬茶虞而後誰攀，追師傅歇絕學業。陋

閣筆對客三獻歎。

寄朱丈亦僑

殘月解人意，夜久不冝落。獨夜詩思清，閒步如跨鶴。天空霜氣重，星漢淨如濯。但恨我所思，迢迢阻雲壑。

幽人亦不遠，皎皎城南隅。飢寒與道親，眉目長開舒。白雲蓋茅屋，西風吹古書。階下芳草色，歲晏當何如。

題畫

秋雲閒不飛，風定泉淙淙。隱几夢乍醒，回頭山在窗。山秋

林自春紅葉點籬角坐久風暗生獨聞山果落啄果野禽  
下笑容無人知與其彊對人何如孤僻時

丙戌年

題畫冊

濛濛蒼翠中水氣散煙樹何人倚高閣閒看峭帆去  
月入野煙厚四山望不徹松根一道泉夜夜白於雪  
石厓一株柳占得清秋多西風已如此我去聽漁歌  
山骨誰所削有石無寸草樹亦不解花空山相對老  
竹杖響黃葉夕陽遠山半秋心滿太空回頭見飛雁  
山荒莽煙霧林黑走風雨漁舟近已泊高帆我愁汝



流泉恃峭厓凌亂濺人面驚起雙白鷗飛去不見

齋中偶書

賢聖誰不希註誤由飢寒飢寒置分內賢聖立目前惜哉  
悠悠心誤余三十年先民滿簡策從今真閉關

文章少小癖思力爲之罄發口人不應知我久蹭蹬此事  
有真宰亂之勿以佞吾黨欲論文原本在知命

朱烈婦詩

烈婦郭姓父母皆叟無兄弟年十九歸朱夫叟姑  
數命之嫁誓死不從道光六年正月翁他出戒妻  
無虐婦姑定謀嫁婦盧氏夕食姑奪其盃擲之地

婦走夫墓哭甚哀夜半寂然翁歸索婦不得之  
水中死殆十日矣視其夫墓土深陷尺許蓋婦痛  
極手抉之也

烈風忽而起澗水聳然向人立自古豈有交頸鴛鴦但解  
飲啄不肖殉其匹鴛鴦一生一死野鳧勿浪歡喜澗水百  
折直東流白日炯炯來照見底我心亦如此死者無知我  
事其父母朝朝上堂捧盤匱死者有知異日地底陶陶無  
窮期杏花戎戎前歲嫁今日朝露翻暮雨打莫移至別臺  
榭妾身榮榮生長茅舍願在一天下歸來坐空房寒鏹一  
點照我淚如瀉三更堂上阿婆罵抵死擠我出朱氏門生

當躍入朱氏墳墳不可入雙手抉翻陳草根夫兮夫兮速  
招我長眠一年今且寤千呼夫夫不語萬古無情是黃土  
三尺土千山萬山路黃土不仁白水知我心水汨汨落藻  
沈沈薄澣我衣裳燕笑語我橐砧哀哉阿婆但知有盧家  
白玉堂焉知金錢萬萬皆糞土人生自有蘇合香阿婆一  
何愚奪我手中飯一盂焉知我心有夫飢如飢膏梁寒如  
著繡襦我飢我寒我命我父母父母在時命我爲朱家婦  
天荆地棘今朝事畢下報父母姑結舌亂曰東風東風汝  
吹澗水聲聲可腸斷莫吹柳條亂墳前柳條青青枝頭雙  
鳥對語方嚶嚶人不言鳥自鳴行人掩耳不能聽看天悲

涕零

清和酒詩

長夏溼蒸足疾不出暇檢方書治溼諸品胥非所  
宜爰出新意蕙苴爲君臣以桑條漬酒小飲功有  
過無錫名清和系詩垂馨同之來世

鴻鈞清而和嘉植靈所鍾采之入酒甕化育歸心胸慧白  
金母土抑水和中宮桑清壯火退箕木疏天風麴蘖劑香  
冽五行交而融豨豷表乖厓茵陳歌杜公臭味未平淡快  
飲還傷沖沃若兗州土穀宜南徼中兩美挺卑溼控制收  
奇功邇來徧地植可以代藥籠兀坐日嗜酒化溼體盍懽

得此要腳健遠山游興濃何用八百樹治產學臥龍更憎  
南歸裝幾困矍鑠翁我但一尊酒茅堂養愚蒙疾痛百憂  
患雖近無由攻首陽清不拙柳下和非工在中囑四支醫  
理易可通持以敵真一還傲天門冬

題畫送邵立三游射陂

山光不厭遠與水合成秋湖上草堂客漁樵同一舟畫師  
眞慘淡小景似滄洲遙見林塘外閒雲隨白鷗

題吳揖堂先生集後

新涼晚漸生閒雲送殘暑清風雲際回吹墮數聲雨手把  
幽人詩棲鳥靜無語風停吟未歇林月半痕吐

邨北晚步

日日看雲水蕩滌此日事水漫北邨谿遂游北邨寺寺邊  
古樹高扁舟渡無際我來水已落猶可浴烏犢拍拍雙白  
鷺照水得生意可憐邨北邨西風老農淚

曉坐

萬事不充目五更難睡心愁人催入老世態結成今蟲響  
秋懷壯雞鳴夜氣深披衣候曉色堅坐發清吟

過昭卹院

醉袖清明路今來雪滿塘寺寒僧面瘠樓破佛身涼人怪  
大鍾啞院有大鍾  
谷一開屋我愁孤墓荒先祠方茹痛消歇到禪房

丁亥年

偶興

才多識寡嵇中散志大量小賈長沙歸鳥停雲入時運斜  
川風日是吾家

柳子文無當世用揚雄書待後人知長策一尊田舍酒襄  
陽孟六好吟詩

仿遺山論詩絕句論遺山詩二首

評論正體齊梁上慷慨歌謠字字迥新態無端學坡谷未  
須滄海說橫流

氣挾幽并格老蒼中原旗鼓孰相當如何兩曲芳華怨塗

抹嬌紅學晚唐

邨行

稻稔塍空水漱沙半邨煙火夕陽斜秋耕不向田中饑飯  
熟騎牛總到家

招提開土半爲農晴把蓑衣當衲縫曬稻空庭檐鳥散牧  
兒隨手戲敲鐘

招勤子

時勸子將  
之鳳陽

欲去未能去君身不自由欲別未忍別我心煎百憂我欲  
升君堂執手話不休疾病來纏人出門寒颼颼草成送君  
文覆讀涕欲流景蓮已宿草惟君締綢繆君又苦飢寒迫



之行道周使我鍵一室隻影鐙窗幽我度不能往君行尙  
夷猶何不寘柅事詣我東谿頭斜日挂隄樹登橋盼來舟  
君來但數夕聊可寬我愁我愁旣可寬我疾應可瘳

歲杪與勤子別塗中卻寄

半生我一友

勤子云數十年交一四農耳  
塗中默誦此語心骨作痛

恨不同室住小

別顏不聞何況今遠去畏別忽已別雙淚伴一路君文置  
我膝欲讀不能句合眼卽見君飛身那可度贈君以自愛  
百年各調護

戊子年

贈譚大令兩齋

惟水澤萬物過當乃殘忍治功調五行良吏水之準譚侯  
保障材屢試赤縣尹期會非所先排裁積憂憫吁嗟甲申  
冬浩漑滅町畛丁亥靈雨深哀鴻叫悽緊侯也敢聽之安  
坐待其盡哀多濟單弱扶危出顛隕窮簷拜惻怛姦吏忌  
明敏朝炊蘇傲劫午市轉隱賑撻之宅土功一邑亦成允  
我聞親民官如醫司候診貴起心腹疾勿療皮外疹飢渴  
不得救聰察愈可晒如候敷豈弟吏治埽夢泯祝侯保江  
淮高耳蠹隱磷低田水栽澹歲取三百園

送陶際華入都

深柳堂中百杯酒  
梧空一笑便分手  
歸人沈醉入東風  
離

情吹滿邨南柳我歸君出分揚鏢談道何殊士與樵長河  
高帆恨不見寸心直到盧溝橋橋頭塵土浣毛髮報國  
文章要風骨玉堂高彈正直弦千里關山此明月月圓花  
發春浮邨箸書容我老柴門黃金臺下不跨馬蒹葭湖中  
盼倒樽

與鏡渠

鏡渠我畏友雄文邊不露歎寄五字詩力取絕深處敢從  
千載下抗手指老杜鴻爪不泥塗得風則飛去知否劉公  
榘對我誦新句劉濟川病榻之上老友君勿忘把臂重末  
路

趙貞女歌

郡城趙斌以女許字營兵毛榮宗斌沒才數日榮宗病篤女欲往侍疾兄嫂不可榮宗死已葬皆諱不言女聞耗又欲往戚黨以毛赤貧交尼之乃晨起獨出訪毛氏門徑入毛不納女痛哭路左日昃不返誓以身殉兄嫂舅姑皆感動成其意女服衰經具酒脯辭父柩往拜夫木主遂居焉日夜操鍼尙佐毛生理終不贖舅姑欲度爲尼泣而不答舅姑遂不忍復言吾友黃蔚雯敘其事倡義依助之予爲作歌

昨日聞郎跨大馬橫刀拍鞍出郊野骨相安知不侯者今  
日間郎滯牀蓐知否空閨夜深哭妾手何時進饘鬻疾風  
挾雨吹白楊服鳥說人歸北邙衝波截斷雙鴛鴦生前一  
訣兄不聽阿耶有知次骨恨九死從郎復耶命長街盤盤  
飛老鴉破扉老屋噓郎家苔徑無人門自擗叩門門掩無  
歸路痛哭一聲朝日暮惟有郎來喚儂去喚郎不應郎門  
開頽垣三尺堆紙灰銀燭一雙孤酒杯紅顏縞素淚如雨  
胸有血淚口無語生不見郎見栗主挑鐙飢鼠竄空廚曉  
寒行汲無布襦布襦脫卻溫阿姑亦女事舅姑無兒乃有婦  
餓死郎家感恩厚忍把蒲團換井臼咄哉此女古志士困

極儻填溝壑裏滿城士夫合羞死

夜登聊樂邨書感

嘉慶丙子郭景蓮館於南邨劉氏邨有三邨焉景  
蓮登眺自怡錫名聊樂寄言索和春夜過此感景  
蓮長逝數年攬衣獨登歌以代哭

林開路轉出山石十二年前聊樂邨獨客重來月西下故  
人高興水東流浮生飄瞥夢難醒曠野蒼茫天亦愁鐙火  
尋塗驚宿鳥悲鳴如我失朋儔

題儉卿袖海集

道古岐日多華士逐曹好吐辭利齒耳陳編忍能盜之子

布經席誓必入主奧達用願可酬六合被雅誥開關偶高  
吟萬象一酒埽本立末足觀小技驗深造

煙邨夾東澗我老著棲息春風敷野花澹泊久無色夫豈  
甘泥塗守故以量力眼中百尺桐盤盤半空直此材應氣  
運清陰配槐棘合聽高岡音鐘鼓表鳳德

賦質萬不同臭味豈闊遠一心斬荆榛天許其文苑君材  
俯眾木我亦奮鉏耜依倚二十年分條合根本君其益去  
莠通力勉歲晚憂道印所須旁人怪繾綣

關題

甘瓜涼送秋清簟晝忘暑睡起白雲生人靜鳥無語樹影

爲飢冒荷聲知斷雨高吟故人詩湖天邈延佇

時訂勤子詩

雲陰散仍聚復被斜光吞蟬噪鳥自歸吾欲關柴門雨聲  
落何處似到谿西村西邨客可來相待傾芳樽

遲盧苞元不至